

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Broj: 01-04- *622* /21  
Banovići; *04.03.* 2021. godine

## **P R A V I L N I K**

**o uslovima i postupku ostvarivanja prava za sufinansiranje dijela troškova registracije djelatnosti na području općine Banovići u 2021. godini**

### **Član 1.**

*Pravilnikom o uslovima i postupku ostvarivanja prava za sufinansiranje dijela troškova registracije djelatnosti na području općine Banovići u 2021. godini (u daljem tekstu Pravilnik) utvrđuju se uslovi i postupak ostvarivanja prava za sufinansiranje dijela troškova registracije djelatnosti fizičkih i pravnih lica na području općine Banovići u 2021. godini, period realizacije sufinansiranja, raspoloživa sredstva, korisnici sredstava sufinansiranja, kao i izvor sredstava sufinansiranja po ovom Pravilniku.*

### **Član 2.**

*Sredstva u iznosu od 300.000,00 u okviru kojih su predviđena sredstva za subvenciju sufinansiranja dijela troškova registracije djelatnosti na području općine Banovići u 2021. godini predviđena su u Budžetu Općine Banovići, pozicija "Subvencija za obrt i poduzetništvo", ekonomski kod: 614 520.*

### **Član 3.**

*Realizacija sredstava za sufinansiranje dijela troškova registracije djelatnosti na području općine Banovići u 2021. godini trajat će u periodu od 1.1.2021. godine do 31.12.2021. godine, ili do raspoloživosti sredstava predviđenih za raspodjelu za ovu namjenu.*

### **Član 4.**

*Pravo na sredstva po ovom Pravilniku imaju fizička i pravna lica koja u periodu od 1.1.2021. godine do 14.12.2021. godine registruju:*

- obrtničku, ugostiteljsku ili trgovačku djelatnost u Službi za privredu, planiranje i lokalni razvoj općine Banovići, osim djelatnosti koje su vezane za klađenje, igre na sreću i sl.
- Preduzeća; d.o.o. ; d.d. i sl. registrovana na području općine Banovići, osim

*djelatnosti koje su vezane za klađenje, igre na sreću i sl.*

#### **Član 5.**

*Za sufinansiranje dijela troškova registracije obrtničkih, trgovačkih i ugostiteljskih djelatnosti u 2021. godini predviđen je iznos od 500,00 KM po jednom korisniku.*

*Za sufinansiranje dijela troškova registracije preduzeća – d.o.o. ; d.d. i sl. u 2021. godini predviđen je iznos od 1.500,00 KM po jednom korisniku.*

#### **Član 6.**

*Pravo na sredstva po ovom Pravilniku ostvaruje se putem javnog poziva kojeg raspisuje općinski načelnik u skladu sa programom utroška sredstava iz budžeta općine Banovići sa stavke „Subvencija za obrt i poduzetništvo“ u 2021. godini.*

#### **Član 7.**

*Za ostvarivanje prava po ovom Pravilniku podnosilac zahtjeva - fizičko lice dužan je dostaviti sljedeću dokumentaciju (original ili ovjerene kopije):*

- *pravosnažno rješenje o registraciji obrtničke, trgovačke ili ugostiteljske djelatnosti, izdato u periodu od 1.1.2021. godine do 14.12.2021. godine od Službe za privredu, planiranje i lokalni razvoj općine Banovići*
- *obavještenje o razvrstavanju djelatnosti prema Klasifikaciji djelatnosti izdato od strane Federalnog zavoda za statistiku – kantonalni ured Tuzla*
- *kopiju računa otvorenog kod poslovne banke*
- *kopiju poreznog broja*

#### **Član 8.**

*Za ostvarivanje prava po ovom Pravilniku podnosilac zahtjeva - pravno lice dužan je dostaviti sljedeću dokumentaciju (original ili ovjerene kopije):*

- *aktuelni izvod iz sudskog registra o registraciji firme odnosno društva sa ograničenom odgovornošću d.o.o.; d.d. i sl. izdat u periodu od 1.1.2021. godine do 14.12.2021. godine*
- *obavještenje o razvrstavanju djelatnosti prema Klasifikaciji djelatnosti izdato od strane Federalnog zavoda za statistiku – kantonalni ured Tuzla*
- *kopiju poreznog broja*
- *kopiju računa otvorenog kod poslovne banke*

#### **Član 9.**

*Sufinansiranje dijela troškova registracije odnosi se na troškove prikupljanja neophodne dokumentacije, za registraciju djelatnosti, takse na izdavanje rješenja, izradu pečata, otvaranje računa kod poslovne banke, osnivački kapital, notarske obrade dokumenata, sudske i administrativne takse i sl.*

## Član 10.

Zahtjevi za sufinansiranje dijela troškova registracije djelatnosti na području općine Banovići u 2021. godini podnose se na pisarnici općine, Službi za privredu, planiranje i lokalni razvoj općine Banovići, najkasnije do 14.12.2021. godine.

Nakon provjere i obrade dostavljene dokumentacije, služba za privredu, planiranje i lokalni razvoj, utvrđuje činjenično stanje, te za one podnosiocima koji ispunjavaju propisane uslove obračunava visinu novčanog podsticaja i prijedlog za isplatu dostavlja općinskom načelniku koji donosi odluku o isplati sredstava.

 **OPĆINSKI NAČELNIK**  
dr. Bege Gutić